

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 252977 24 St
Zenica, 22.04.2025. godine

Općinski sud u Zenici, stečajni sudija Adnan Herceg, u prethodnom postupku za utvrđivanje uvjeta za otvaranje stečajnog postupka nad stečajnim dužnikom „MM Logistics“ d.o.o. Visoko, Ginje br. 72, Visoko, za provođenje stečajnog postupka nad imovinom navedenog privrednog društva kao protupredlagatelja, koji je pokrenut po prijedlogu predlagatelja „MM Logistics“ d.o.o. Visoko, Ginje br. 72, Visoko, kojeg zastupa punomoćnik Ganić Kemal, advokat iz Visokog, ul. Alije Izetbegovića br. 1, Visoko, dana 22.04.2025. godine, donio je sljedeće:

R J E Š E N J E

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, na depozitni račun suda broj: 134-010-0000044837 otvoren kod ASA Banke d.d. Sarajevo, Poslovnica Zenica.

Ukoliko povjerioci i zainteresovana lica u navedenom roku ne predlože otvaranje stečajnog postupka i ne izvrši uplatu predujma troškova stečaja, stečajni sudija će otvoriti stečajni postupak i odmah zaključiti postupak nad društvom „MM Logistics“ d.o.o. Visoko, Ginje br. 72, Visoko, te narediti brisanje ovog društva iz sudskog registra.

O b r a z l o ž e n j e

Predlagač „MM Logistics“ d.o.o. Visoko, Ginje br. 72, Visoko kao stečajni dužnik je ovom sudu podnio prijedlog za otvaranje stečajnog postupka, dana 07.11.2024. godine.

Privremeni stečajni upravnik je na ročištu održanom 21.04.2025. godine izjavio da ostaje kod izvještaja, a koje se sastoji od slijedećeg: 1. Kod navedenog privrednog društva postoji razlog za otvaranje stečajnog postupka obzirom da je firma platežno nesposobna duže od 60 dana neprekidno i nije u mogućnosti finansirati svoje poslovanje iz vlastitih sredstava. Navedeno je dokazano uvidom u izvještaj o računima poslovnog subjekta izdatog od strane Centralne banke BiH na dan 18.10.2024. godine u 08,56 sati. 2. Organ za zastupanje firme odnosno podnosilac prijedloga, prijedlog za otvaranje stečajnog postupka nije podnio u zakonski propisanom roku odnosno u roku od 60 dana od dana nastupanja platežne nesposobnosti nego ga je podnio tek dana 07.11.2024. godine. 3. Firma u prezentiranom obliku ne posjeduje bilo kakvu imovinu koja bi bila dostatna da se pokriju troškovi otvaranja i vođenja stečajnog postupka. Uvidom u dokaz u vidu uvjerenja Općinskog suda Visoko Odjeljenja za zemljišno knjižne poslove i uvjerenja Grada Visoko Službe za urbanizam, imovinsko pravne, geodetske poslove i Katastar nekretnina oba dokaza od 07.03.2025. godine vidljivo je da firma nije upisana kao vlasnik niti posjednik bilo kakvih nekretnina. Uvidom u dokaz u vidu uvjerenja MUP-a ZDK Sektora za administraciju, Odsjeka za administraciju Visoko od 07.03.2025. godine vidljivo je da firma ne prolazi kroz evidencije vlasnika vozila. Uvidom u posljednji sačinjeni bilans stanja i uspjeha sa danom 31.12.2021. godine jasno je da naprijed navedeno firma ne iskazuje ni kroz svoje poslovne knjige. U okviru firme je jedino iskazano potraživanje prema firmi iz SAD-a u iznosu od 1.665,00 KM potraživanje datira od 01.04.2021. godine isto nije procesuirano, tako da se s ovim potraživanjem ne može računati u toku stečajnog postupka obzirom da je obuhvaćeno institutom zastare od 4 godine temeljem Madridske konvencije o roku zastare potraživanja za potraživanja prema pravnim licima u

inostranstvu. 4. Firma u cjelini ili djelimično po mišljenju privremenog upravnika ne može nastaviti svoje poslovanje obzirom da je potpuno poslovno ne aktivna već duža od 4 godine. Imajući u vidu navedeno predlaže sudu na osnovu naprijed iznesenih činjenica i dokaza kao i okolnosti iz navedene pravne stvari da otvori i zatvori stečajni postupak nad navedenom firmom iz razloga naprijed navedenog.

Iz izvještaja privremenog stečajnog upravnika proizilazi da kod privrednog društva MM Logistics d.o.o. Visoko postoji razlog za otvaranje stečajnog postupka (član 6. stav. 5. tačka 2. ZOS-a) i podnosilac prijedloga za otvaranje stečajnog postupka, (organ za zastupanje stečajnog dužnika) prijedlog za otvaranje stečajnog postupka nad stečajnim dužnikom nije podnio u roku (član 63. stav 7. tačka a. ZOS-a). Privremeni stečajni upravnik procjenjuje da kod privrednog društva MM Logistics d.o.o. Visoko u prezentiranom obliku ne postoji imovina koja je dostatna da se pokriju troškovi otvaranja i vođenja stečajnog postupka (član 63. stav 2. ZOS-a). Privremeni stečajni upravnik procjenjuje da se poslovanje privrednog društva MM Logistics d.o.o. Visoko u cjelini ili djelimično ne može nastaviti u toku prethodnog postupka (član 63. stav. 3. zos-a).

Kako stečajni dužnik ima obaveze, a nema imovine, pa ni za pokriće troškova stečajnog postupka, to je sud primjenom odredbe člana 102. stav 7. i 8. Zakona o stečaju („Službene novine F BiH“, broj: 53/21), pozvao povjerioci i zainteresovana lica da predlože otvaranje stečajnog postupka i predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresovani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe članu 102. stav 7. i 8. Zakona o stečaju, a ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajni sudija
Adnan Herceg, s.r.